

11/24 мая 2020 года

НЕДЕЛЯ 6-я по ПАСХЕ, о слепом.

Равноап. Мефодия и Кирилла.

**Последование часов и обедницы
для домашнего (келейного) совершения**

ЧАС ТРЕТИЙ

Молитвами святых отец наших, Господи Иисусе Христе, Боже наш, помилуй нас.

Христос воскрес из мертвых, смертию смерть поправ и сущим во гробех живот даровав. **Трижды.**

Святой Боже, Святой Крепкий, Святой Безсмертный, помилуй нас. **Трижды, и три поклона.**

Слава Отцу, и Сыну, и Святому Духу, и ныне и присно, и во веки веков. **Аминь.**

Пресвятая Троице, помилуй нас: Господи, очисти грехи наша; Владыко, прости беззакония наша; Святой, посети и исцели немощи наша, имене Твоего ради.

Господи, помилуй. Трижды.

Слава, и ныне:

Отче наш, Иже еси на Небесех, да святится имя Твое, да придет Царствие Твое, да будет воля Твоя, яко на Небеси, и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

[**Яко** Твое есть Царство и сила и слава во веки. Аминь. (Мф. 6: 9-13)]

Господи, помилуй, 12.

Слава, и ныне:

Приидите, поклонимся Цареве нашему Богу.

Приидите, поклонимся Христу, Цареве нашему, Богу.

Приидите, поклонимся и припадём Самому Христу, Цареве и Богу нашему.

Псалом 16

Услы́ши, Го́споди, пра́вду мою́, вонми́ молéнию моему́, внуши́ моли́тву мою́ не во устна́х льсти́вых. От лица́ Твоего́ судьба́ моя́ изы́дет, о́чи мои́ да ви́дита правоты́. Искуси́л еси́ се́рдце мое́, посети́л еси́ но́щию, искуси́л мя еси́, и не обрéтeся во мне непра́вда. Яко да не возглаго́лут уста́ моя́ дел челове́ческих, за словеса́ устéн Твои́х аз сохрани́х пути́ же́стоки. Соверши́ стопы́ моя́ во стезя́х Твои́х, да не подвигну́тся стопы́ моя́. Аз воззва́х, яко услы́шал мя еси́, Бо́же, приклони́ у́хо Твое́ мне и услы́ши глаго́лы моя́. Удиви́ мило́сти Твоя́, спаса́яй упова́ющыя на Тя от проти́влящихся десни́це Твое́й. Сохрани́ мя, Го́споди, яко зе́ницу о́ка, в кро́ве крилу́ Твоею́ покрýеши мя. От лица́ нечестивых остра́стших мя, врази́ мои́ ду́шу мою́ одержа́ша. Тук свой затвори́ша, уста́ их глаго́лаша горды́ню. Изгоня́щии мя ны́не обыдо́ша мя, о́чи свои́ возложи́ша уклони́ти на зе́млю. Объя́ша мя яко лев гото́в на лов и яко скíмен обита́яй в та́йных. Воскресни́, Го́споди, предвари́ я́ и запни́ им, изба́ви ду́шу мою́ от нечестиваго, ору́жие Твое́ от враг ру́ки Твоея́. Го́споди, от ма́лых от земли́, раздели́ я́ в животé их, и сокровéнных Твои́х исполнися чре́во их, насы́тишася сыно́в, и оста́виша оста́нки младенце́м своим. Аз же пра́вдою явлю́ся лицу́ Твоему́, насы́щуся, внегда́ явити́ ми ся сла́ве Твое́й.

Псалом 24

К Тебе́, Го́споди, воздвиго́х ду́шу мою́, Бо́же мой, на Тя упова́х, да не постыжу́ся во век, ниже́ да посмею́т ми ся врази́ мои́, íбо вси терпя́щии Тя не посты́дятся. Да посты́дятся беззакóннующии вотще́. Пути́ Твоя́, Го́споди, скажи́ ми, и стезя́м Твои́м научи́ мя. Наста́ви мя на и́стину Твою́, и научи́ мя, яко Ты еси́ Бог Спас мой, и Тебе́ терпéх весь день. Помяни́ щедрóты Твоя́, Го́споди, и мило́сти Твоя́, яко от ве́ка суть. Грех ю́ности моея́, и неведéния моего́ не помяни́, по мило́сти Твое́й помяни́ мя Ты, ра́ди бла́гости Твоея́, Го́споди. Благ и прав Госпо́дь, сего́ ра́ди законоположи́т согреша́ющим на пути́. Наста́вит кро́ткия на суд, научи́т кро́ткия путе́м Свои́м. Вси пути́е Госпо́дни мило́сть и и́стина, взыска́ющим заветá Егó, и свидéния Егó. Ра́ди и́мене Твоего́, Го́споди, и очисти́ грех мой, мног бо есть. Кто есть челове́к боя́йся Го́спода? Законоположи́т ему́ на пути́, егóже изво́ли. Душа́ егó во благíх водвори́тся, и се́мя егó наслéдит зе́млю. Держа́ва Госпо́дь боя́щихся Егó, и завет́ Егó яви́т им. О́чи мои́ вы́ну ко Госпо́ду, яко Той истóргнет от се́ти но́зе мои́. При́зри на мя и помíлуй мя, яко единорóд и нищ есмь аз. Ско́рби се́рдца моего́ умно́жишася, от нужд мои́х изведи́ мя. Виждь смире́ние мое́, и труд мой, и оста́ви вся грехи́ моя́. Виждь враги́ моя́, яко умно́жишася, и ненави́дением непра́ведным возненави́деша мя. Сохрани́ ду́шу мою́, и изба́ви мя, да не постыжу́ся, яко

уповах на Тя. Незлѣбиви и прѣвии прилепляхуся мне, яко потерпѣх Тя, Господи. Избѣви, Бѣже, Израїля от всех скорбѣй его.

Псалѣм 50

Помилуй мя, Бѣже, по велицей милости Твоей, и по множеству щедрот Твоих очисти беззаконіе мое. Наипаче омой мя от беззаконія моего, и от грѣха моего очисти мя; яко беззаконіе мое аз знаю, и грѣх мой предо мною есть вѣну. Тебѣ единому согрѣших, и лукавое пред Тобою сотворих; яко да оправдишися во словесех Твоих, и победиши, внигда судити Ти. Се бо в беззаконіих зачат есмь, и во грѣсех роди мя мати моя. Се бо истину возлюбил еси, безвѣстная и тайная премудрости Твоея явил ми еси. Окропиши мя иссопом, и очищуся; омыеши мя, и паче снѣга убелюся. Слуху моему даши радость и веселіе; возрадуются кости смиренныя. Отврати лице Твое от грѣх моих, и вся беззаконія моя очисти. Сердце чисто созижди во мне, Бѣже, и дух прав обнови во утробѣ моей. Не отвержи мене от лица Твоего, и Духа Твоего Святаго не отыми от мене. Воздаждь ми радость спасенія Твоего, и Духом Владычним утверди мя. Научу беззаконныя путем Твоим, и нечестивии к Тебѣ обратятся. Избѣви мя от кровей, Бѣже, Бѣже спасенія моего; возрадуется язык мой правде Твоей. Господи, устне мои отверзеши, и уста моя возвестят хвалу Твою. Яко аще бы восхотѣл еси жертвы, дал бых убо: всесожженія не благоволиши. Жертва Богу дух сокрушен; сердце сокрушенно и смиренно Бог не унижит. Ублажи, Господи, благоволеніем Твоим Сиѡна, и да созиждутся стѣны Иерусалимския. Тогда благоволиши жертву правды, возношеніе и всесожегаемая; тогда возложат на олтарь Твой тельцы.

Слава, и ныне:

Аллилуїа, аллилуїа, аллилуїа, слава Тебѣ Бѣже. Трижды.

Господи, помилуй. Трижды.

Тропарь воскресный, глас 5:

Собезначальное Слово Отцу и Духови,/ от Дѣвы рождающееся на Спасеніе наше,/ воспойм, вѣрнии, и поклонимся;/ яко благоволи Плотию взѣти на Крест,/ и смерть претерпѣти,/ и воскресити умершія// славным воскресеніем Своим.

Слава:

Тропарь святых, глас 4:

Яко апостолом единоправнии/ и словенских стран учителие,/ Кирилле и Мефодіе Богомудрии,/ Владыку всех молитѣ,/ вся языки

словѣнскія утвердѣти в Правослѣвїи и единомыслии,/ умирѣти мир/
и спасти души наша.

И ныне:

Богородичен:

Богородице, Ты еси лоза истинная, возрастившая нам Плод живота,
Тебе молимся: молися, Владычице, со святыми апостолы помилovati души
наша.

Таже:

Господь Бог благословен, благословен Господь день дне, поспешит нам
Бог спасений наших, Бог наш, Бог спасти.

Святой Боже, Святой Крепкий, Святой Безсмертный, помилуй нас.
Трижды.

Слава Отцу и Сыну и Святому Духу, и ныне и присно и во веки веков.
Аминь.

Пресвятая Троице, помилуй нас; Господи, очисти грехи наша; Владыко,
прости беззакония наша; Святой, посети и исцели немощи наша, имене
Твоего ради.

Господи, помилуй. **Трижды. Слава**, и ныне:

Отче наш, Иже еси на Небесех, да святится имя Твое, да придет
Царствие Твое, да будет воля Твоя, яко на Небеси и на земли. Хлеб наш
насущный даждь нам днесь; и остави нам долги наша, якоже и мы
оставляем должником нашим; и не введи нас во искушение, но избави нас
от лукаваго.

[**Яко** Твое есть Царство и сила и слава во веки. Аминь. (Мф. 6: 9-13)]

Кондак святых, глас 3:

Священную двоицу просветителей наших почтим,/ Божественных
писаний предложением источник Богопознания нам источивших,/ из
небоже даже донесъ неоскудно почерпающе,/ ублажаем вас, Кирилле и
Мефодие,/ Престолу Вышняго предстоящих/ и тепле молящихся о душах
наших.

Господи, помилуй. **40.**

Иже на всякое время и на всякий час, на Небеси и на земли,
покланяемый и славимый, Христэ Боже, Долготерпеливе,
Многომилостиве, Многоблагуотробне, Иже праведныя любяй и грешныя

милуяй, Иже вся зовый ко спасению обещания ради будущих благ. Сам, Господи, прими и наша в час сей молитвы и исправи живот наш к заповедям Твоим, души наша освяти, телеса очисти, помышления исправи, мысли очисти и избави нас от всякия скорби, зол и болезней, оградь нас святыми Твоими Ангелы, да ополчением их соблюдаемы и наставляемы, достигнем в соединение веры и в разум неприступная Твоея славы, яко благословен еси во веки веков, аминь.

Честнейшую Херувим и славнейшую без сравнения Серафим, без истления Бога Слова рождшую, сущую Богородицу, Тя величаем.

Молитвами святых отец наших, Господи Иисусе Христе, Боже наш, помилуй нас.

И молитву сию, святого Мардария:

Владыко Боже Отче Вседержителю, Господи Сыне Единородный Иисусе Христе, и Святой Душе, Единое Божество, Единая Сила, помилуй мя, грешного, и имиже веши судьбами, спаси мя, недостойного раба Твоего, яко благословен еси во веки веков. **Аминь.**

ЧАС ШЕСТЫЙ

Христос воскрес из мертвых, смертию смерть поправ и сущим во гробех живот даровав. Трижды.

Псалом 53

Боже, во имя Твое спаси мя, и в силе Твоей суди ми. Боже, услыши молитву мою, внуши глаголы уст моих. Яко чуждии восташа на мя и крепцыи взыскаша душу мою, и не предложаша Бога пред собою. Се бо Бог помогает ми, и Господь Заступник души моей. Отвратит злая врагом моим, истиною Твоею потреби их. Волею пожру Тебе, исповемся имени Твоему, Господи, яко благо, яко от всякия печали избавил мя еси, и на враги моя воззрел око мое.

Псалом 54

Внуши, Боже, молитву мою и не презри моления моего. Вонми ми и услыши мя: возскорбел печалию моею и смятохся. От глаза вражия и от стужения грешника, яко уклонил на мя беззаконие и во гневе враждовашу ми. Сердце мое смятется во мне и боязнь смерти нападет на мя. Страх и трепет прииде на мя и покры мя тьма. И рех: кто даст ми криле, яко голубини, и полещу, и почию? Се удалихся бегая и водворихся в пустыни. Чаях Бога, спасающего мя от малодушия и от бури. Потопи, Господи, и раздели языки их: яко видех беззаконие и пререkanie во граде.

Днем и нощию обыдет ѿ по стенам его. Беззаконие и труд посреде его и неправда. И не оскуде от стогн его лихва и лесть. Яко аще бы враг поносил ми, претерпел бых убо, и аще бы ненавидяй мя на мя велеречевал, укрыл бых ся от него. Ты же, человеце равнодушне, владыко мой и знаемый мой, иже купно наслаждался еси со мною брашен, в дому Божии ходихом единомышлением. Да придет же смерть на ня, и да снйдут во ад живи, яко лукавство в жилищах их, посреде их. Аз к Богу возвах, и Господь услыша мя. Вечер и зутра, и полудне повем, и возвещу, и услышит глас мой. Избавит миром душу мою от приближающихся мне, яко во мнозе бяху со мною. Услышит Бог и смирит я, Сый прежде век. Несть бо им изменения, яко не убояшася Бога. Простре руку свою на воздаяние, оскверниша завет Его. Разделишася от гнева лица Его, и приближишася сердца их, умякнуша словеса их паче елеса, и та суть стрелы. Возврати на Господа печаль твою, и Той тя препитает, не даст в век молвы праведнику. Ты же, Боже, низведеши их во студенец истления, мужие кровей и лести не преполовят дней своих. Аз же, Господи, уповаю на Тя.

Псалом 90

Живый в помощи Вышняго, в крове Бога Небеснаго водворится. Речет Господеви: Заступник мой еси и Прибежище мое, Бог мой, и уповаю на Него. Яко Той избавит тя от сети ловчи и от словесе мятежна, плещма Своима осенит тя, и под криле Его надеешися: оружием обыдет тя истина Его. Не убойшися от страха ночнаго, от стрелы летящая во дни, от вещи во тме преходящая, от сряща и беса полуденнаго. Падет от страны твоея тысяща, и тма одесную тебе, к тебе же не приближится, обаче очима твоима смотриши, и воздаяние грешников узриши. Яко Ты, Господи, упование мое, Вышняго положил еси прибежище твое. Не придет к тебе зло и рана не приближится телеси твоему, яко Ангелом Своим заповесть о тебе, сохранити тя во всех путех твоих. На руках возмут тя, да не когда преткнеша о камень ногу твою, на аспида и василиска наступиши, и попереши льва и змия. Яко на Мя упова и избавлю и, покрыю и, яко позна имя Моё. Воззовет ко Мне и услышу его, с ним есмь в скорби, изму его и прослаблю его, долготою дний исполню его и явлю ему спасение Моё.

Слава, и ныне:

Аллилуиа, аллилуиа, аллилуиа, слава Тебе Боже. **Трижды.**

Господи, помилуй. **Трижды.**

ТРОПАРЬ ВОСКРЕСНЫЙ, ГЛАС 5:

Собезначальное Слово Отцу и Духови,/ от Девы рождающееся на Спасение наше,/ воспойм, вернии, и поклонимся;/ яко благоволи Плотию взйти на

Крест,/ и смерть претерпѣти,/ и воскресити умѣршия// слáвным воскресѣнием Своим.

Слáва:

Тропарь святых, глас 4:

Яко апóстолом единоправнии/ и словѣнских стран учителие,/ Кирилле и Мефодие Богомудрии,/ Владыку всех моли́те,/ вся языки словѣнския утверди́ти в Правосла́вии и единомыслии,/ умири́ти мир/ и спасти́ ду́ши на́ша.

И ны́не:

Богородичен:

Яко не има́мы дерзнове́ния за премно́гия грехи́ на́ша, Ты и́же от Тебе́ Ро́ждшагося моли́, Богоро́дице Де́во, мно́го бо мо́жет моле́ние Ма́тернее ко благосе́рдию Влады́ки. Не прѣзри грѣшных мо́льбы, Всечы́стая, яко ми́лостив есть и спасти́ могый, И́же и страда́ти о нас изво́ливый.

Та́же:

Ско́ро да предва́рят ны щедро́ты Твоя́, Го́споди, яко обнища́хом зело́; помози́ нам, Бо́же, Спа́се наш, сла́вы ра́ди И́мене Твоего́, Го́споди, изба́ви нас и очисти́ грехи́ на́ша, И́мене ра́ди Твоего́.

Святы́й Бо́же, Святы́й Кре́пкий, Святы́й Безсме́ртный, помилуй нас. Трижды.

Сла́ва Отцу́ и Сы́ну и Свято́му Ду́ху, и ны́не и прѣсно и во ве́ки веко́в. Ами́нь.

Пресвята́я Тро́ице, помилуй нас; Го́споди, очисти́ грехи́ на́ша; Влады́ко, прости́ беззаконя́ на́ша; Святы́й, посети́ и исцели́ немо́щи на́ша, и́мене Твоего́ ра́ди.

Го́споди, помилуй. Трижды. Сла́ва, и ны́не:

О́тче наш, И́же еси́ на Небесе́х, да святѣ́тся и́мя Твое́, да прии́дет Ца́рствие Твое́, да бу́дет во́ля Твоя́, яко на Небеси́ и на земли́. Хлеб наш насущный да́ждь нам днесь; и оста́ви нам до́лги на́ша, якоже и мы оставля́ем должникомъ на́шим; и не введи́ нас во искуше́ние, но изба́ви нас от лука́ваго.

[Яко Твое́ есть Ца́рство и си́ла и сла́ва во ве́ки. Ами́нь. (Мф. 6: 9-13)]

Кондак Триоди (о слепом), глас 4:

Душе́вными очима́ ослепле́н,/ к Тебе́, Христѣ́, прихо́жду,/ якоже слепы́й от ро́ждѣния,/ покая́нием зову́ Ти:// Ты су́щих во тьме Свет пресве́тлый.

Господи, помилуй. 40.

Иже на всякое время и на всякий час, на Небеси и на земли, покланяемый и славимый, Христэ Бóже, Долготерпеливе, Многомилостиве, Многоблагоутрòбне, Иже праведныя любяй и грешныя милуяй, Иже вся зовый ко спасению обещания ради будущих благ. Сам, Господи, приими и наша в час сей молитвы и исправи живот наш к заповедем Твоим, души наша освяти, телеса очисти, помышления исправи, мысли очисти и избави нас от всякия скорби, зол и болезней, оградь нас святыми Твоими Ангелы, да ополчением их соблюдаемы и наставляемы, достигнем в соединение веры и в разум неприступныя Твоея славы, яко благословен еси во веки веков, аминь.

Честнейшую Херувим и славнейшую без сравнения Серафим, без истления Бóга Слова рождшую, сущую Богородицу, Тя величаем.

Молитвами святых отец наших, Господи Иисусе Христэ, Бóже наш, помилуй нас.

И молитву сию святого Великого Василия:

Бóже и Господи сил и всея твари Содетелю, Иже за милосердие безприкладныя милости Твоея Единороднаго Сына Твоего, Господа нашего Иисуса Христа, низпославый на спасение рода нашего, и честным Его Крестом рукописание грех наших растерзавый, и победивый тем начала и власти тьмы. Сам, Владыко Человеколюбче, приими и нас, грешных, благодарственныя сия и молебныя молитвы и избави нас от всякаго всегубительнаго и мрачнаго прегрешения и всех озлобити нас ищущих видимых и невидимых враг. Пригвозди страху Твоему плоти наша и не уклони сердце наших в словеса или помышления лукавствия, но любовь Твоею уязви души наша, да, к Тебе всегда взирающе и еже от Тебе светом наставляемы, Тебе, неприступнаго и присносущнаго зряще Света, непрестанное Тебе исповедание и благодарение возсылаем, Безначальному Отцу со Единородным Твоим Сыном и Всесвятым, и Благим, и Животворящим Твоим Духом ныне, и присно, и во веки веков. **Аминь.**

ЧИН ОБЕДНИЦЫ

Христос воскрес из мертвых, смертию смерть поправ и сущим во гробех живот даровав. Трижды.

Благослови, душе моя, Господа: благословен еси, Господи.

Псалом 102

Благослові, душе моя, Господа, и вся внутренняя моя, имя святое Его. Благослові, душе моя, Господа, и не забывай всех воздаяний Его, очищающего вся беззакония твоя, исцеляющего вся недуги твоя, избавляющего от истребления живот твой, венчающего тя милостию и щедротами, исполняющего во благих желание твое: обновится яко орля юность твоя. Твори милостины Господь, и судьбу всем обидимым. Скажи пути Своя Моисею, сыновом Израилевым хотения Своя. Щедр и милостив Господь, долготерпелив и многомилостив. Не до конца прогневается, ниже во век враждует. Не по беззаконию нашим сотворил есть нам, ниже по грехом нашим воздал есть нам. Яко по высоте небесней от земли, утвердил есть Господь милость Свою на боящихся Его. Елико отстоят восток от запада, удалил есть от нас беззакония наша. Якоже щедрит отец сыны, ущедри Господь боящихся Его. Яко Той позна создание наше, помяну, яко персть есмь. Человек, яко трава дние его, яко цвет сельный, тако оцветет: яко дух пройде в нем, и не будет, и не познает ктому места своего. Милость же Господня от века и до века на боящихся Его, и правда Его на сынех сынов, хранящих завет Его, и помнящих заповеди Его творити я. Господь на Небеси уготова Престол Свой, и Царство Его всеми обладает. Благословите Господа вси Ангели Его, сильнии крепостию, творящи слово Его, услышати глас словес Его. Благословите Господа, вся силы Его, слуги Его, творящие волю Его. Благословите Господа, вся дела Его, на всяком месте владычества Его, благослові, душе моя, Господа.

Слава Отцу, и Сыну, и Святому Духу.

Псалом 145

Хвали, душе моя, Господа. Восхваляю Господа в животе моем, пою Богу моему, дондеже есмь. Не надейтесь на князи, на сыны человеческия, в нихже несть спасения. Изидет дух его, и возвратится в землю свою: в той день погибнут вся помышления его. Блажен, емуже Бог Иаковль Помощник его, упование его на Господа Бога своего, сотворшаго небо и землю, море и вся, яже в них, хранящаго истину в век, творящаго суд обидимым, дающего пищу алчущим. Господь решит окованныя, Господь умудряет слепцы, Господь возводит низверженные, Господь любит праведники. Господь хранит пришельцы, сира и вдову примет, и путь грешных погубит. Воцарится Господь во век, Бог твой, Сионе, в род и род.

И ныне и присно, и во веки веков. **А**минь.

Единорóдный Сы́не, и Сло́ве Бо́жий, Безсме́ртен Сый, и изво́ливый спасéния нáшего рáди воплотíться от Святы́я Богорóдицы и Приснодéвы Марíи, непрелóжно вочеловéчивыйся, распный́ся же, Христé Бо́же, сме́ртию смерть попрáвый, ед́ин Сый Святы́я Тро́ицы, спрославля́емый Отцу́ и Свято́му Духу, спаси́ нас.

БЛАЖЕННЫ

Во Цáрствии Твоéм, помяни́ нас, Го́споди, егда́ при́деши во Цáрствии Твоéм.

На 12: Блажéни ни́щии дýхом, я́ко тех есть Цáрство Небéсное.

Разбóйник на крестé Бо́га Тя бы́ти véровав, Христé,/ исповéда Тя ч́исте от сéрдца,// помяни́ мя, Го́споди, вопия́, во Цáрствии Твоéм.

Блажéни пла́чущии, я́ко т́ии утéшатся.

Иже на Дрэ́ве Крéстнем/ жизнь процвётшаго рóду нáшему,/ и изсуш́ивша ю́же от дрéва кля́тву,// я́ко Спа́са и Содéтеля соглáсно воспойм.

На 10: Блажéни крóтцыи, я́ко т́ии насле́дят зéмлю.

Распéншу Ти ся, Христé, посреде́ двою́ осуждénною разбóйнику,/ ед́ин у́бо ху́ля Тя, осуждén бысть прáведне:// другíй же исповéдая Тя, в рай всел́ися.

Блажéни álчущии и жа́ждущии прáвды, я́ко т́ии насы́тятся.

Ко апóстолов л́ику прише́дша жены́ честны́я,/ возопи́ша: Христóс воскрéсе,// я́ко Влады́це и Содéтелю Тому́ поклон́имся.

На 8: Блажéни м́лостивии, я́ко т́ии поми́ловани бۇ́дут.

Триоди (о слепом), глас 5:

Распный́ся с разбóйники, Влады́ко,/ избáвил еси́ от разбóйник лука́вых, душетлénных страстéй, Человеколю́бче Го́споди,// вся пою́щия Твоé распя́тие и востáние соглáсно.

Блажéни ч́истии сéрдцем, я́ко т́ии Бо́га у́зрят.

Положи́ша без дыха́ния Тебе́ ме́ртва, Христé, во грóбе,/ всем ме́ртвым дыха́юща жизнь:/ воскрéсл же еси́, Го́споди, вся истощ́ивый, Сло́ве, грóбы,// Божéственной Твое́ю с́илою.

На 6: Блажéни миротво́рцы, я́ко т́ии сы́нове Бо́жии нареку́тся.

Триипоста́сная Ед́инице,/ О́тче нерождénне, Сы́не рождénне, и Ду́ше исхо́дне,/ Трисвяты́й Го́споди, ед́ино Суще́ство и с́ила,// спасáй

вся люди Твоя.

Блажени изгнани правды ради, яко тех есть Царство Небесное.

Величия Твоя, Чистая, кто исповесть?/ Бóга бо плóтию родила еси преестéственно,// мир Тобóю избавляющаго, Дéво Всенепорóчная, от всякаго грехá.

На 4: Блажени естé, егда понóсят вам, и изженúт, и рекúт всяк зол глагол на вы, лжúще, Менé ради.

Святых, глас 3:

Се, яко пучина морская, естество Бóжие есть,/ непостижимое умом и неизреченное глаголы, -/ рекл еси ко агáряном, премúдре Кирилле, -/ тую бо пучину кроме святаго Евáнгелия преплыти хотящий потопляются, не вéдуще пéти:// яко Петра ны, Управителю, спаси.

Рáдуйтесь и веселитесь, яко мзда вáша многа на Небесех.

В бéздне рáзума лжеимénнаго углéбшии агáряне/ тайно яд смéртный предложíша тебé;/ рекый же во Евáнгелии Христóс:/ яко áще что смéртно испиéте, не вредит вы, -/ соблюдé тя цéла и с чéстию в Цáрствующий град возврати./ Ты же, царём и патриáрхом достóйно ублажа́емь,/ не превознёслся еси и взывáти не престáл еси:// яко Петра мя, Управителю, спаси.

Слáва: Дрéвле рекый Божéственный Дух:/ отделите Ми Варнаву и Сávла на дéло, на нéже призвáх их;/ подобне и вас, отцы преподóбнии,/ в словénския страны послáти повелé,/ и тáко людие, во тьме и сéни смéртней седящи,/ свéтом учéния вáшего просветившеся, воззвáша:/ яко Петра ны, Управителю, спасл еси.

И ны́не: Бéздна послéдняя грехóв обыде мя,/ и, трéпетом одержимъ есмь, ужасáясь всеконéчнаго потоплénия./ Тémже мольбú приношú Ти, Пренепорóчная:/ помилуй страстную мою дúшу,/ простри рúку Твою, яко Благáя,/ и, яко Петра спасé Сын Твой,// тáко мя, Управительнице, спаси.

ТРИСВЯТОЕ

Святы́й Бóже, Святы́й Крéпкий, Святы́й Безсмéртный, помилуй нас.
Трижды, и три поклона.

Сла́ва Отцу́, и Сы́ну, и Свято́му Ду́ху, и ны́не и прісно, и во ве́ки веко́в.
Ами́нь.

Святы́й Безсме́ртный, поми́луй нас.

Святы́й Бо́же, Святы́й Кре́пкий, Святы́й Безсме́ртный, поми́луй нас.

Прокимен, апостол и Евангелие

(Неде́ли о слепом и святы́х)

Прокі́мен, гла́с 8: Помолі́тесь и возда́дите/ Го́сподеви Бо́гу на́шему.

Сті́х: Ве́дом во Иуде́и Бог, во Изра́или ве́лие і́мя Его́.

Помолі́тесь и возда́дите/ Го́сподеви Бо́гу на́шему.

Прокі́мен святы́х, гла́с 7: Честна́ пред Го́сподем сме́рть преподо́бных Его́.

Дея́ний святы́х Апóстол чтéние.

Дея́ния святы́х Апóстол, за́чало 38: XVI, 16-34:

Во дни оны, бысть идущим апостолом на молитву, отроковица некая имущая дух пытлив срете нас, яже стяжание много дающе господем своим волхвующи. Та последовавши Павлу и нам, взываше глаголющи: сии человецы раби́ Бо́га Вы́шняго суть, іже возвещают нам путь спасения. Се же творяше на мно́ги дни. Стужив же си Пáвел, и обращя, ду́хови рече́: запрещаю ти і́менем Иису́са Хри́ста, изы́ди из нея́. И изы́де в том часе́. Ви́девше же господа́ие ея́, яко изы́де наде́жда тяжа́ния их, поёмше Па́вла и Си́лу, влекóша на торг ко князе́м. И введше их к воево́дам, рéша: сии человецы возмуща́ют град наш, иудее́ сущи́е. И завещава́ют обы́чаи, яже не досто́ит нам приима́ти, ни творі́ти, рíмляном сущим. И сні́дися наро́д на них, и воево́ды растерза́вше им рíзы, веля́ху па́лициами би́ти их. Мно́ги же да́вше им ра́ны, всади́ша в темни́цу, завеща́вше темни́чному стра́жу твёрдо стрещі́ их. І́же таково́ завеща́ние приём, всади́ их во вну́треннюю темни́цу, и но́ги их за́би в кла́де. В полу́нощи же Пáвел и Си́ла моля́щася поя́ста Бо́га, послу́шаху же их ю́зницы. Внеза́пу же трус бысть ве́лий, яко поколебáтися основáнию темни́чному: отверзо́ша же ся áбие двéри вся, и всем ю́зы ослабéша. Возбу́дся же темни́чный страж, и ви́дев отве́рсты двéри темни́цы, извлéк нож, хотя́ше себе́

уби́ти, мня избѣ́гша ю́зники. Возгласи́ же гла́сом ве́лиим Па́вел, глаго́ля: ничто́же сотвори́ себе́ зла, вси бо есмь́ zde. Проси́в же свещи́, вскочи́, и трѣпетен быв, припадѣ к Па́влу и Си́ле. И извѣд их вон, рече́: господа́, что ми подоба́ет твори́ти, да спасу́ся? Они́ же рекоста́: ве́руй в Го́спода Иису́са Христа́, и спасе́шися ты, и весь дом твой. И глаго́ласта ему́ сло́во Господне, и всем ѿ́же в дому́ его́. И поѣм ѿ́ в той же час но́щи, измы́ от ран, и кресті́ся сам и свой́ ему́ вси а́бие. Введ же ѿ́ в дом свой, поста́ви трапѣзу, и возра́довася со всем до́мом своим, ве́ровав Бо́гу.

Русский перевод: В эти дни, случилось, что, когда мы шли в молитвенный дом, встрети́лась нам одна служанка, одержимая духом прорицательным, которая через прорицание доставляла большой доход господам своим. Идя за Павлом и за нами, она кричала, говоря: сии человеки - рабы Бога Всевышнего, которые возвещают нам путь спасения. Это она делала много дней. Павел, вознегодовав, обратился и сказал духу: именем Иисуса Христа повелеваю тебе выйти из нее. И дух вышел в тот же час. Тогда господа ее, видя, что исчезла надежда дохода их, схватили Павла и Силу и повлекли на площадь к начальникам. И, приведя их к воеводам, сказали: сии люди, будучи Иудеями, возмущают наш город и проповедуют обычаи, которых нам, Римлянам, не следует ни принимать, ни исполнять. Народ также восстал на них, а воеводы, сорвав с них одежды, велели бить их палками и, дав им много ударов, ввергли в темницу, приказав темничному стражу крепко стеречь их. Получив такое приказание, он ввергнул их во внутреннюю темницу и ноги их забил в колоду. Около полуночи Павел и Сила, молясь, воспевали Бога; узники же слушали их. Вдруг сделалось великое землетрясение, так что поколебалось основание темницы; тотчас отворились все двери, и у всех узы ослабели. Темничный же страж, пробудившись и увидев, что двери темницы отворены, извлек меч и хотел умертвить себя, думая, что узники убежали. Но Павел возгласил громким голосом, говоря: не делай себе никакого зла, ибо все мы здесь. Он потребовал огня, вбежал в темницу и в трепете припал к Павлу и Силе, и, выведя их вон, сказал: государи мои! что мне делать, чтобы спастись? Они же сказали: веруй в Господа Иисуса Христа, и спасе́шься ты и весь дом твой. И проповедали слово Господне ему и всем, бывшим в доме его. И,

взяв их в тот час ночи, он омыл раны их и немедленно крестился сам и все домашние его. И, приведя их в дом свой, предложил трапезу и возрадовался со всем домом своим, что уверовал в Бога.

Апостол святы́х, ко Евреем (зачало 318: VII, 26 –VIII, 2):

Бра́тие, тако́в нам подоба́ше Архиере́й, преподо́бен, незло́бив, безскве́рнен, отлуче́н от гре́шник и вы́шше Небе́с быв. И́же не има́ть по вся дни ну́жды, я́коже первосвяще́нницы, пре́жде о свои́х гресе́х же́ртвы приноси́ти, пото́м же о людски́х: сие́ бо сотвори́ еди́ною, Себе́ прине́с. Зако́н бо челове́ки поставля́ет первосвяще́нники, иму́щия немо́щь, сло́во же кля́твенное, е́же по зако́не, Сы́на во ве́ки соверше́нна. Главá же о глаго́лемых, такова́ има́мы Первосвяще́нника, и́же седе́ одесну́ю Престо́ла Вели́чества на Небесе́х, святы́м служи́тель и ски́нии и́стинней, ю́же водрузи́ Господь, а не челове́к.

Русский перевод: Братия, таков и должен быть у нас Первосвященник: святой, непричастный злу, непорочный, отделенный от грешников и превознесенный выше небес, Который не имеет нужды ежедневно, как те первосвященники, приносить жертвы сперва за свои грехи, потом за грехи народа, ибо Он совершил это однажды, принеся в жертву Себя Самого. Ибо закон поставляет первосвященниками человек, имеющих немощи; а слово клятвенное, после закона, поставило Сына, на веки совершенного. Главное же в том, о чем говорим, есть то: мы имеем такого Первосвященника, Который воссел одесную престола величия на небесах и есть священнодействователь святилища и скинии истинной, которую воздвиг Господь, а не человек.

Глас 8: Аллилу́ия, аллилу́ия, аллилу́ия.

Стіх: При́зри на мя, и поми́луй мя.

Аллилу́ия, аллилу́ия, аллилу́ия.

Глас 2: Стіх: Свяще́нницы Твои́ облеку́тся в пра́вду, и преподо́бнии Твои́ возра́дуются.

Аллилу́ия, аллилу́ия, аллилу́ия.

Го́споди, поми́луй. **Трижды.**

От Иоанна святаго Евангелия чтение.

Слава Тебѣ, Господи, слава Тебѣ.

Евангелие от Иоанна (зачало 34: IX, 1 – 38):

Во время оно, мимоидый Иисус виде человека слепа от рождения. И вопросиша Его ученицы Его, глаголюще: Равви, кто согреши; сей ли, или родителя его, да слеп родися? Отвеща Иисус: ни сей согреши, ни родителя его, но да явятся дела Божия на нем. Мне подобает делати дела Пославшаго Мя, дондеже день есть: придет ночь, егда никтоже может делати. Егда в мире есмь, свет есмь миру. Сия рек, плюну на землю, и сотвори брение от плюновения, и помаза очи брением слепому. И рече ему: иди, умойся в купели Силоамсте, еже скажется послан. Иде же, и умылся, и прииде видя. Соседи же и иже бяху видели его прежде, яко слеп бе, глаголаху: не сей ли есть седяй и просяй? Овии глаголаху, яко сей есть: инии же глаголаху, яко подобен ему есть. Он же глаголаше, яко аз есмь. Глаголаху же ему: како ти отверзостесь очи? Отвеща он и рече: Человек нарицаемый Иисус брение сотвори, и помаза очи мой, и рече ми: иди в купель Силоамлю, и умойся. Шед же и умывся, прозрех. Реша же ему: кто Той есть? Глагола: не вем. Ведоша же его к фарисеем, иже бе иногда слеп. Бе же суббота, егда сотвори брение Иисус, и отверзе ему очи. Паки же вопрошаху его и фарисее: како прозре? Он же рече им: брение положи мне на очи, и умыхся, и вижу. Глаголаху же от фарисей нецыи: несть Сей от Бога Человек, яко субботу не хранит. Овии глаголаху: како может человек грешен сицевая знамения творити? И распря бе в них. Глаголаху убо слепцу паки: ты что глаголеши о Нем, яко отверзе очи твой? Он же рече, яко пророк есть. Не яша убо веры иудее о нем, яко слеп бе, и прозре, дондеже возгласиша родителя того прозревшаго. И вопросиша я, глаголюще: сей ли есть сын ваю, егже вы глаголете, яко слеп родися? Како убо ныне видит? Отвеща же им родителя его, и реста: вемы, яко сей есть сын наю, и яко слеп родися. Како же ныне видит, не вемы: или кто отверзе ему очи, мы не вемы, сам возраст имат, самого вопросите: сам о себе да глаголет. Сия рекоста родителя его, яко боястася жидов: уже бо бяху сложилися жидове, да аще кто Его исповест Христа, отлучен сонмища да будет. Сего ради родителя его рекоста: яко возраст имат, самого вопросите. Возгласиша же вторичею человека, иже бе слеп, и реша ему: даждь славу Богу, мы вемы, яко Человек Сей грешен есть. Отвеща же он, и рече: аще грешен есть, не вем: единое вем, яко слеп бех, ныне же вижу. Реша же ему паки: что сотвори тебе; како отверзе очи твой? Отвеща им: рекох вам уже, и не слышати: что паки хотите слышати; еда и вы ученицы Его хотите быти? Они же укориша его, и реша ему: ты ученик еси Того, мы же Моисеовы есмы ученицы. Мы вемы, яко Моисеови глагола Бог: Сего же не вемы, откуда есть. Отвеща человек, и рече им: о сем бо дивно есть, яко вы не весте, откуда есть, и отверзе очи мой. Вем же, яко грешники Бог не послушает, но аще кто богочтец есть, и волю Его творит, того послушает. От века несть слышано, яко кто отверзе очи

слéпу рождéну. Аще не бы был Сей от Бóга, не мог бы творíти ничесóже. Отвещáша и рéша е́му: во гресéх ты родíлся есí весь, и ты ли ны учíши? И изгнáша егó вон. Услýша Иисýс, я́ко изгнáша егó вон, и обрéт егó, речé е́му: ты вéруеши ли в Сýна Бóжия? Отвещá он, и речé: и кто есть, Гóсподи, да вéрую в Негó? Речé же е́му Иисýс: и víдел есí Егó, и глагóлай с тобóю, Той есть. Он же речé: вéрую, Гóсподи, и поклонíся Е́му.

Русский перевод: В то время, проходя, увидел человека, слепого от рождения. Ученики Его спросили у Него: Равв́и! кто согрешил, он или родители его, что родился слепым? Иисус отвечал: не согрешил ни он, ни родители его, но это для того, чтобы на нем явились дела Божии. Мне должно делать дела Пославшего Меня, доколе есть день; приходит ночь, когда никто не может делать. Доколе Я в мире, Я свет миру. Сказав это, Он плюнул на землю, сделал брение из плюновения и помазал брением глаза слепому, и сказал ему: пойдй, умойся в купальне Силоам, что значит: посланный. Он пошел и умылся, и пришел зрячим. Тут соседи и видевшие прежде, что он был слеп, говорили: не тот ли это, который сидел и просил милостыни? Иные говорили: это он, а иные: похож на него. Он же говорил: это я. Тогда спрашивали у него: как открылись у тебя глаза? Он сказал в ответ: Человек, называемый Иисус, сделал брение, помазал глаза мои и сказал мне: пойдй на купальню Силоам и умойся. Я пошел, умылся и прозрел. Тогда сказали ему: где Он? Он отвечал: не знаю. Повели сего бывшего слепца к фарисеям. А была суббота, когда Иисус сделал брение и отверз ему очи. Спросили его также и фарисеи, как он прозрел. Он сказал им: брение положил Он на мои глаза, и я умылся, и вижу. Тогда некоторые из фарисеев говорили: не от Бога Этот Человек, потому что не хранит субботы. Другие говорили: как может человек грешный творить такие чудеса? И была между ними распря. Опять говорят слепому: ты что скажешь о Нем, потому что Он отверз тебе очи? Он сказал: это пророк. Тогда Иудеи не поверили, что он был слеп и прозрел, доколе не призвали родителей сего прозревшего и спросили их: это ли сын ваш, о котором вы говорите, что родился слепым? как же он теперь видит? Родители его сказали им в ответ: мы знаем, что это сын наш и что он родился слепым, а как теперь видит, не знаем, или кто отверз ему очи, мы не знаем. Сам в совершенных летах; самого спросите; пусть сам о себе скажет. Так отвечали родители его, потому что боялись Иудеев; ибо Иудеи сговорились уже, чтобы, кто признает Его за Христа, того отлучать от синагоги. Посему-то родители его и сказали: он в совершенных летах; самого спросите. Итак, вторично призвали человека, который был слеп, и сказали ему: воздай славу Богу; мы знаем, что Человек Тот грешник. Он сказал им в ответ: грешник ли Он, не знаю; одно знаю, что я был слеп, а теперь вижу. Снова спросили его: что сделал Он с тобою? как отверз твои очи? Отвечал им: я уже сказал вам, и вы не слушали; что еще хотите слышать? или и вы хотите сделаться Его учениками? Они же укорили его и сказали: ты ученик Его, а мы Моисеевы ученики. Мы знаем, что с Моисеем говорил Бог; Сего же не знаем, откуда Он. Человек прозревший сказал им в ответ: это и удивительно, что вы не знаете, откуда Он, а Он отверз мне очи. Но мы знаем, что грешников Бог не слушает; но кто чтит Бога и творит

волю Его, того слушает. От века не слыхано, чтобы кто отверз очи слепорожденному. Если бы Он не был от Бога, не мог бы творить ничего. Сказали ему в ответ: во грехах ты весь родился, и ты ли нас учишь? И выгнали его вон. Иисус, услышав, что выгнали его вон, и найдя его, сказал ему: ты веруешь ли в Сына Божия? Он отвечал и сказал: а кто Он, Господи, чтобы мне веровать в Него? Иисус сказал ему: и видел ты Его, и Он говорит с тобою. Он же сказал: верую, Господи! И поклонился Ему.

Евангелие святых, от Матфея (зачало 11: V, 14-19):

Речé Госпóдь Своím ученикóм: вы естé свет мíра, не мóжет град укрьтися верхú горы стоя. Нижé вжигáют светíльника и поставлѧют его́ под спúдом, но на свѣщнице, и свѣтит всем, ѧже в хрáмине суть. Тáко да просветíтся свет ваш пред челове́ки, ѧко да вѣдят ва́ша дóбрая дела́ и прослáвят Отца́ ва́шего, Ъже на небесѣх. Да не мнѣте, ѧко приидóх разорѣти закóн, илѣ прорóки: не приидóх разорѣти, но испóлнити. Амѣнь бо глаго́лю вам: дóндеже прѣ́йдет не́бо и землѧ, иóта едѣна, илѣ едѣна чертá не прѣ́йдет от закóна, дóндеже вся бúдут. Ъже áще разорѣт едѣну за́поведий сих малых и наúчит тáко челове́ки, мний наречѣтся в Цáрствии Небѣснем, а ѧже сотворѣт и наúчит, сей вѣлий наречѣтся в Цáрствии Небѣснем.

Русский перевод: Господь сказал Своим учеником: вы - свет мира. Не может укрыться город, стоящий на верху горы. И, зажегши свечу, не ставят ее под сосудом, но на подсвечнике, и светит всем в доме. Так да светит свет ваш пред людьми, чтобы они видели ваши добрые дела и прославляли Отца вашего Небесного. Не думайте, что Я пришел нарушить закон или пророков: не нарушить пришел Я, но исполнить. Ибо истинно говорю вам: доколе не прейдет небо и земля, ни одна иота или ни одна черта не прейдет из закона, пока не исполнится все. Итак, кто нарушит одну из заповедей сих малейших и научит так людей, тот малейшим наречется в Царстве Небесном; а кто сотворит и научит, тот великим наречется в Царстве Небесном.

Слáва Тебѣ, Гóсподи, слáва Тебѣ.

Помяни́ нас, Гóсподи, егда́ приидеши во Цáрствии Твоём. **Поклон.**

Помяни́ нас, Влады́ко, егда́ приидеши во Цáрствии Твоём. **Поклон.**

Помяни́ нас, Святѣй, егда́ приидеши во Цáрствии Твоём. **Поклон.**

Лик Небѣсный поет Тя и глаго́лет: Свят, Свят, Свят Госпóдь Саваóф, испóлнь Не́бо и землѧ слáвы Твоея́.

Стих: Приступѣте к Немú и просветѣтся, и ли́ца ва́ша не постыдѧтся.

Лик Небѣсный поет Тя и глаго́лет: Свят, Свят, Свят Госпóдь Саваóф, испóлнь Не́бо и землѧ слáвы Твоея́.

Слава: Лик святѣх Ангел и Архангел со всеми Небесными Силами поёт Тя и глаголет: Свят, Свят, Свят Господь Саваоф, исполни Небо и земля славы Твоея.

И ныне: Вѣрую во единого Бога Отца, Вседержителя, Творца Небу и земли, видимым же всем и невидимым. И во единого Господа Иисуса Христа, Сына Божия, Единородного, Иже от Отца рожденного прежде всех век; Света от Света, Бога истинна от Бога истинна, рождена, несотворенна, единосущна Отцу, Имже вся быша. Нас ради человек и нашего ради спасения сшедшаго с Небес, и воплотившагося от Духа Свята и Марии Девы, и вочеловечшася. Распятого же за ны при Понтийстем Пилате, и страдавша, и погребенна. И воскресшаго в третий день, по Писанием. И возшедшаго на Небеса, и сидяща одесную Отца. И паки грядущаго со славою судити живым и мертвым, Егоже Царствию не будет конца. И в Духа Святаго, Господа, Животворящего, Иже от Отца исходящего, Иже со Отцем и Сыном спокланяема и славима, глаголавшаго пророки. Во едину Святую, Соборную и Апостольскую Церковь. Исповедую едино Крещение во оставление грехов. Чаю воскресения мертвых, и жизни будущаго века. Аминь.

Ослаби, остави, прости, Боже, прегрешения наша, вольная и невольная, яже в слове и в деле, яже в ведении и не в ведении, яже во дни и в ночи, яже во уме и в помышлении: вся нам прости, яко Благ и Человеколюбец.

Отче наш, Иже еси на Небесех, да святится имя Твое, да придет Царствие Твое, да будет воля Твоя, яко на Небеси, и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

[Яко Твое есть Царство и сила и слава во веки. Аминь. (Мф. 6: 9-13)]

Кондак святых, глас 3:

Священную двоицу просветителей наших почтим,/ Божественных писаний предложением источник Богопознания нам источивших,/ из негоже даже доднесь неоскудно почерпающе,/ ублажаем вас, Кирилле и Мефодие,/ Престолу Вышняго предстоящих/ и тепле молящихся о душах наших.

Слава, и ныне:

Кондак Триоди (о слепом), глас 4:

Душевному очима ослеплен,/ к Тебе, Христэ, прихожду,/ якоже слепый

от рождѣнія,/ покаяніем зову Ти:// Ты сущих во тьме Свет пресвѣтлый.

Господи, помилуй. 12.

И молитву:

Всесвятая Троице, Единосущная Державо, Нераздельное Царство, всех благих Вина, благоволи же и о мне грешнем, утверди, вразуми сердце мое, и всю мою отыми скверну, просвети мою мысль, да вину славлю, пою, поклоняюсь и глаголю: Един Свят, Един Господь, Иисус Христос, во славу Бога Отца. Аминь.

Буди Имя Господне благословено отныне и до века. Трижды.

Слава, и ныне:

Псалом 33:

Благословлю Господа на всякое время, вину хвалу Его во устех моих. О Господе похвалится душа моя, да услышат кротцыи и возвеселятся. Возвеличите Господа со мною, и вознесем имя Его вкупе. Взысках Господа, и услыша мя, и от всех скорбей моих избави мя. Приступите к Немю и просветитесь, и лица ваша не постыдятся. Сей нищий воззва, и Господь услыша и, и от всех скорбей его спасе и. Ополчится Ангел Господень окрест боящихся Его, и избавит их. Вкусите и видите, яко благ Господь; блажен муж, иже уповает на Него. Бойтесь Господа, вси святїи Его, яко несть лишения боящимся Его. Богатїи обнищаша и взалкаша, взыскающїи же Господа не лишатся всякаго блага. Приидите, чада, послушайте мене, страху Господню научу вас. Кто есть человек хотяй живоу, любяй дни видети блага? Удержи язык твой от зла, и устне твои, еже не глаголати лести. Уклонися от зла и сотвори благо, взыщи мира и поженіи. Очи Господни на праведныя, и уши Его в молитву их. Лице же Господне на творящия злая, еже потребити от земли память их. Воззваша праведнии, и Господь услыша их, и от всех скорбей их избави их. Близ Господь сокрушенных сердцем, и смиренныя духом спасет. Мнози скорби праведным, и от всех их избавит я Господь. Хранит Господь вся кости их, ни единая от них сокрушится. Смерть грешников люта, и ненавидящїи праведнаго прегрешат. Избавит Господь души раб Своих, и не прегрешат вси уповающїи на Него.

Ангел вопияше Благодатней: Чистая Дево, радуйся! И паки реку: радуйся! Твой Сын воскресет тридневен от гроба, и мертвыя воздвигнувый: людие, веселитесь.

Светіся, светіся, нóвый Иерусаліме, сла́ва бо Господня на тебѣ возсія. Ликуй ны́не и веселіся, Сио́не. Ты же, Чи́стая, красуйся, Богоро́дице, о воста́нии Рожде́ства Твоего́.

Сла́ва, и ны́не:

Го́споди, помілуй. Трижды. Благослови́.

Отпу́ст

Воскресый из ме́ртвых, Христѣ, и́стинный Бо́же наш, моли́твами Пречи́стыя Твоея́ Ма́тере, святы́х сла́вных и всехва́льных Апóстол, преподо́бных и богонóсных оте́ц на́ших, святы́х равноапосто́лов Мефодия и Кирилла, учителей Словенских, святы́х и пра́ведных богооте́ц Иоакіма и А́нны, и всех святы́х, помілуй и спаси́ нас, я́ко Благ и Человеколю́бец.

Христóс воскресе́ из ме́ртвых, сме́ртию сме́рть попра́в и су́щим во гробѣх живо́т дарова́в. Трижды.

И нам дарова́ живо́т ве́чный, покланя́емся Его́ тридне́вному Воскресѣ́нию.

Вели́каго господи́на и отца́ на́шего Кири́лла, Святе́йшаго Патриарха Моско́вскаго и всея́ Руси́, и господи́на на́шего высокопреосвяще́ннейшаго і́мярек, митрополи́та [или́: архиепи́скопа; или́: преосвяще́ннейшаго і́мярек, епи́скопа] [его́же е́сть о́бласть], настоя́теля, бра́тию и прихо́жан свята́го хра́ма на́шего, домоча́дцы на́ша и вся правосла́вныя христиа́ны, Го́споди, сохрани́ их на мно́гая ле́та.

КОНЕЦ И БОГУ СЛАВА.